

*Tico Croes di AVP a lanza serie di pregunta
na Promer Ministro Oduber*

Gobierno a paga consehero di MEP Un Millon Florin?

ORANJESTAD(AAN)--
E miembro di fraccion di AVP,
Tico Croes, a lanza un serie di
pregunta na Promer Ministro
Oduber, den cual e ta
cuestiona posible asistencia di
Allan Clobridge na Gobierno.

Tico Croes ta puntra si Allan
Clobridge ta e persona, cu a
asisti MEP durante campaña
electoral y si ta berdad cu awor
e ta forma parti di Aruba

Planning and Advisory Team,
cu for di April 1989 ta aconseha
Gobierno.

E miembro di Parlamento
pa AVP tambe ta puntra cu si
ta berdad cu ya a paga e suma
di Un Millon Florin na Aruba
Planning and Advisory Team y
a pidi pa informe encunto e
tarea y e resultado concreto cu
e grupo a logra pa Aruba.